

奉天通志

第六箇之二

奉天通志卷七十七

山川十一

各縣山水五

沙河流域

沙河流域

黑山縣

北鎮縣

黑山縣

小黑山

城內東北隅明朝築邊於此東至今老邊驛東西二百餘里爲三衛駐牧之地今邊牆遺址猶存

礪子山

城東北四十里三峰東西相峙礪石林立綿亙約五里

許

圓山

城東二十五里南距老河屯河一里許

胡家窩棚山

城東二十五里兩峰南北相峙

下灣子山 城東八里南北長十五里山東麓沙河南流

沙山 城東南九十里

大坨子山 城東南二十里下灣子區內

後大虎山 城東南十二里東麓距沙河二里許

前大虎山 城東南十八里

山東山 城東南十里山形綿亘二里許

高山 城南二十五里東麓距羊腸河二里許

蛇山 城西南二十五里三峯鼎峙素產蛇因名上有觀音廟

珠寶山 城西北五十里羣峯南北聳峙綿亘不絕山西麓距馬

家窩棚河二里許山內泉水西南流注入此河

哈家山 城西十二里兩峯錯峙山西麓羊腸河相抱南流

台子山 城西北三十里三峯疊峙山東麓距江家台河二里許
山巔有古墩台

江台山 城西北二十五里孤峰高聳衆土山環拱相錯山西麓
有江家台河圍繞南流

韋城山 城西北三十五里下有韋城子相傳爲前明屯兵之所
今基址宛然山巔有眞武廟

蟠桃山 城西北五十里山上有娘娘廟

後山 城西北五十里東南距馬家窩棚河二里許

二台子山 城西北五十里山脈連綿東西盤互三十餘里山巔

有古營盤周圍一里形蹟宛然又有古墩台

營盤山 城西北五十里山形盤峙與二台子山相連

楊家屯山 城西北五十里北距老河身屯河二里許

尖山 城北十五里兩峰南北相向四面羣山羅列俱名尖山山

上有娘娘廟

靠邊屯山 城北五十里東麓小河南流東西長十餘里與荒山

子山脈相連

荒山 城北五十里古名蛇山兩峯尖矗衆山偃僂怪石嶙峋不

可名狀山內泉水湧出向東南流

貴子山 城北六十里山峰錯峙

雙山 城北八十里兩峰南北對峙峭石森立山上有藥王廟

團山 城北八十里北距沙河一里許

蔡家屯山 城北八十里東麓沙河南流

大黃台山 城北八十里

營城子山 城北九十里東西盤互四五里

歪脖子山 城北九十五里山形曲折如人回顧故名

臥鳳山 城北八十里

大黑山 城北七十里

孤山 城北六十里

五架山 城北九十里五峰東西擁抱綿互五里山東麓小河南

流

黑山 城北三十五里一峰高聳白石巖巖山北距馬溝河一里

許

包家屯山 城北二十里

荒山 城北二十五里三峰鼎峙綿亘二里許

二道境子北嶺 城東五十里

魏家嶺 城南六里

許家嶺 城南十里

繞陽河 自彰武縣南境倒庭窩棚村西南流至縣治東北一百

三十里雙台子村東入邊爲黑山新民界水南流逕鴨子廠村

東又南逕徐家窩棚村東又東南出境入新民界行九十八里

至縣治東六十里入蓮花泡內過境西南經過泡南一帶陂塘

復洩出西南流至馬家窩棚迤南左岸出新民界入本境內又

西南至西黃花甸村南出境入台安界本河自雙台子村東入

邊至徐家窩棚村東迤南

左岸即新民界後腰堡

過境流長十三里自入

蓮花泡至洩出又西南至馬家窩棚村南合泡南北直徑過境

流長三十里泡西岸姜家屯爲縣治東境巨鎮鎮安鄉土志姜家屯鎮逢一四

七日成市貨物最盛鎮東北五里土城子爲舊梁漁務地許亢宗奉雲屯銷場

自顯州九十里至免兒場六十里至梁漁務三基依水際居民數十家環繞彌望皆荷花松漠紀開梁漁務

里至免兒場五十里至顯州金升爲望平縣金史廣寧府望平縣大沙河五十里

置明一統志望平廢縣廣明以後廢今城址無存又自馬家窩

棚迤南至西黃花甸村南行境內流長七里出口距縣治東南

六十里過故城址一梁漁務即今集鎮一姜家屯

繞陽河舊河身 自縣治東北徐家窩棚村南繞陽河右岸起南

行沿黑山新民交界逕鈕家坨子村東又南逕郭家坨子村東

又西南左岸出新民界入本境內分東西二枝東枝南行四里

復分二枝左枝東南逕大興堡東又南逕大民屯一作民屯東又

東南沿黑山新民交界屈轉西南逕東王家岡子村東又西南

逕前薛家窩棚村東入本境內又西南逕半拉門亦名一拉門村東

村爲縣治東北境巨鎮鎮安縣鄉土志半拉門鎮逢二五柳邊

紀略二道井二十里至一半拉門卽此又東南而南復沿黑山

新民交界逕九間房村東又南集合附近小水成流逕繞陽河

車站東過北寧鐵路屈曲南流逕腰三家子村東又南入蓮花

泡本枝長七十里過巨鎮一半拉門鐵路橋路北寧東枝之右枝

西南行逕六家子村西又西南逕石獅子村西又南逕雙岡子

村東又東南逕西三道溝村西又轉西南逕劉家油房村東又

屈折西南至十五戶村北與西枝合西枝自郭家坨子西南行

逕孤山子東麓又西南逕雙岡子村西又西南逕張岡子村東
又南至十五戶村北會合東右枝又屈折西南至二道境子村
西入沙河本枝合舊河身總幹長六十八里

沙河 源出熱河省阜新縣東南境老爺嶺在塞外名八道河東
南流九十里至縣治北八十五里大新立屯村西入邊名沙河

村爲縣治北境第一巨鎮

鎮安縣鄉土志大新立屯鎮爲城北第一大鎮逢一四七落成市商民輻

輟滿蒙欺

孝子韓鳳儀卽本鎮人

鎮安縣鄉土志載孝子二劉保泰亦稱劉善人居縣城內一劉

爲韓鳳儀居大新立屯均邀清廷旌表事蹟詳鄉土志

河過打通鐵路橋下繞鎮西南而

東逕小黃台村西折東南流右受王莊屯水

王莊屯水

源出阜新東南邊境東流至縣治北七十五里

王莊屯西入邊東流逕王莊屯村南又東流過打通鐵路轉

而東北至小黃金台村南入沙河行境內流長十三里過鐵路

橋一

打通路通

又東南逕大黃金台村東左受靠山屯水

靠山屯水 源出阜新縣東南境大北營子南流至縣治北

九十里荒地村西北入邊過打通鐵路南流逕荒地村西又

南逕靠山屯西又西南至大黃金台村東入沙河行境內流

長十二里過鐵路橋一

打通路通

又東南逕蔡家屯村東又東折逕大寶屯村南又東逕六合屯村南復折東南逕團山子村北左受二道河

二道河 源出阜新縣東南德等營子南流至縣治北一百

里朝北營子村西入邊村爲縣北邊境集鎮

鎮安縣鄉土志
朝北營子鎮逢

民二五八日成市蒙西南流逕宋家窩棚村中又南折逕五台

子村西又南逕長嶺子村西又南逕倭屯村西又屈西南至

團山子村北入沙河行境內流長二十九里過集鎮一

朝北營子

又東南逕卡拉木村東又屈曲東南逕無梁殿村東村為縣北

境內集鎮

鎮安縣鄉志無梁殿逢一四七日成市

又南左受稍戶營子河

稍戶營子河源出縣治東北邊境外西南流至縣治東北

一百一十里稍戶營子村西入境西南流逕邢家坨子村東

又折東南逕侯坨子村西復折西南逕小三家子村東村原為

分防廳治

清設縣丞今廢

今為縣治北境集鎮

鎮安縣鄉志小三家子分防街逢五十三

兩日成市商業不盛

村西三里營城子村相傳為古營壘今形蹟尙存

又南流逕西二道岡村西又西南逕狼洞子村東自是西南

逕吳屯村東一帶沙地水常涸竭又西南逕平安屯西折東南流逕甜水井子村西又西南至無梁殿村東入沙河行境

內流長五十九里過舊分防廳治一家小子古營壘一子營城

又屈折南流逕大民屯村東又折東南逕二道境子道即井二村西

左會繞陽河舊河身村爲清二道井站故址盛京通志奉天至山海關站道白旗

堡站五十里至二道井站朝鮮柳得恭灤陽錄遼野之最泥卓者曰一板門二道亭纔經秋潦都成積水七月初三日到二道

亭留宿平明出店門望之天水相映不知其幾里按一板門即一

邊紀畧胡家窩棚三半拉門至又屈西南沿清兩京御路逕茶棚二道井二十里至半拉門

菴村中又西南逕孤家子村中又西南逕大道屯村東右受馬

家溝河

馬家溝河 源出阜新東南邊境東南流至縣治北七十里

四台子村北入邊東南流逕牛蹄窪村南又折東北逕下窪子村南復折東南過打通鐵路逕盛家屯村西又南折五里復折東南逕火石嶺子村東又東南逕杏山東麓又屈折而南逕馬家溝村西又南逕前黑山子村北右受芳山鎮河

芳山鎮河

源出縣治北五十里芳山

舊名荒山

鎮西南流繞

鎮西南鎮街舊有集市逢三六九日爲集期自打通路成設芳山車站市面日增繁盛又東流逕鎮東南過打通鐵

路會鎮北一水東流逕石柱子村南又東南逕公墩

一作公撓

村北又折東北出紅石頭村北又屈折東南而南至前黑山子村北入馬家溝河流長四十三里過集鎮一

芳山鎮

鐵

路橋一

打通路

又南逕團山子東又南至大道屯村東入沙河行境內流長

六十八里過鐵路橋一

打通路通

又西繞大道屯村北復折而南右受老河身河

老河身河 源出阜新東南境上滿達溝東南流四十五里

至縣治西北六十里靠邊屯村北入邊東南流逕小河山村

西又東南逕老河身屯

一作老屯和尙

村東又東南過打通鐵路逕

韭菜池子

一作九池子

村南右受趙家屯水

趙家屯水 源出阜新東南邊境東南流至縣治西北五

十五里趙家屯村西入邊東南流逕李屯村南左會靠邊

屯村西一水又東南過打通鐵路東流至韭菜池子村南

入老河身河行境內流長十八里過鐵路橋一

打通路通

又折東北逕杏樹坨子村南復折東南出公墩村中又屈折

東南逕大謝屯村東又東南逕團山子西又南至大道屯村

西入沙河行境內流長六十五里過鐵路橋一路打通

又南逕胡家窩棚村東村爲縣治東北集鎮鎮安縣鄉土志八

市日成清設胡家窩棚驛鋪盛京通志廣寧縣東北山路驛鋪三十里

胡家窩棚兵二名三十里二道井鋪五十里白旗堡鋪三十里黃旗堡

子鋪接柳邊紀略黑今廢又南流折而西南逕四間房村西

又屈折而南逕關家窩棚村東又屈東南過北寧鐵路逕十八

家子村西又東南逕前大興堡村西又南折逕張窩棚村東又

轉東南左岸過台安境爲黑山台安界水又南折入潞漲湖亦作

湖莽狀中餘枝沿黑山台安交界西南至蔣家坨子台安村西出

沙河流域 黑山縣

境入盤山界行境內流長一百五十四里又自張窩棚迤南至

出境右岸過境十五里過集鎮三大新立屯無樑驛站一二道

驛鋪二二道井胡孝子里居一大新鐵路橋二打寧路出口距

縣治東南五十里

老邊河 源出縣治北四十里大羊溝村西東南流逕劉金屯村

中又東南逕三道橋子村東又東南逕頭道境子村西又屈折

西南逕五里岡子村東復折東南而南逕下灣子村東又南分

爲二枝右枝西折逕下灣子村南西距縣城五里縣城舊爲小

通志奉天至山海關站道二道井站五十年改名黑山縣復折

東南逕邊壕村東左枝南流至邊壕村東與右枝復合爲一自

是沿明邊牆舊址東南逕萬金壕村東又東南逕後打虎山東